

## BESTELAKO XEDAPENAK

### EKONOMIAREN GARAPEN ETA LEHIAKORTASUN SAILA

## 4005

*AGINDUA, 2014ko irailaren 15ekoa, Ekonomiaren Garapen eta Lehiakortasuneko sailburuarena, Euskal Autonomia Erkidegoko kostaldean kusu biko moluskuak ekoizten diren eremuen sailkapena ezartzeko dena.*

Europako Parlamentuaren eta Kontseiluaren 2004ko apirilaren 29ko 854/2004 (EE) Erregelamenduaren bidez, animalia-jatorriko produktuen kontrol ofizialak antolatzeko arau espezifikoa finkatu ziren. Bada, erregelamendu horretan ezarritakoarekin bat etorritik, agintari eskudunak bere aplikazio-eremuan dauden espezieen ekoizpen- eta berrezarpen-eremuak izendatu eta sailkatu beharko ditu, betiere erregelamendu horretan aurreikusitako hiru kategorien arabera.

Agindu honen helburua da, beraz, Euskal Autonomia Erkidegoko kostaldean moluskuak ekoizten diren eremuak izendatzea eta sailkatzea. Horretarako, kusu bikoak ekoizten diren eremuetan aldiro egindako analisiak eta laginketak hartu dira aintzat.

C multzoan sailkatutako eremuei dagokienez, ohartarazi beharra dago halakoetan debekatuta dagoela moluskuak ateratzea, berrezarpen-eremurik ez dagoelako.

Horregatik guztiagatik, honako hau

#### EBAZTEN DUT:

Lehenengoa.– Euskal Autonomia Erkidegoko kostaldeko itsas-eremuen sailkapena egitea, uraren kalitatea eta horrek akuikulturaren eta itsaski-bilketaren gainean duen eragina aintzat hartuta, eta Euskal Autonomia Erkidegoan moluskuak ekoizten diren eremuak izendatzea.

Bigarrena.– Hondarribia (Bidasoa ibaiaren estuarioa). Ikusi I. eta II. eranskinak:

Sailkapenaren C eremua: ibai-ahotik aireportuaren muturrera bitarteko eremu osoa; bertan, debekatuta dago kusu biko moluskuak ateratzea (PAV 1/01).

Eremu itxiak: honako eremu hauetan ezin da moluskurik ekoitzi, eta halakoak ateratzea debekatuta dago:

- Aireportuaren muturretik barrualdera doan eremua.
- Hondarribiko arrantza-portua.
- Hondarribiko kirol-portua.
- Beteranoen dartsena.

Hirugarrena.– Mundaka (Oka ibaiaren estuarioa). Ikusi I. eta II. eranskinak:

Sailkapeneko B eremua: Arketako azpieren PAV 1/02-1 (ibai-ahotik Sandideri uhartera bitarteko eremuaren eskuinaldea) eta Kanalako azpieren PAV 1/02-3 (Sandideri uhartetik Muruetako Ontziolara bitarteko eremua). Moluskuak atera ondoren, arazketa-prozesu baten menpe jarriko dira, bizirik merkaturatu aurretik.

Sailkapeneko C eremua: ibai-ahotik Sandideri uhartera bitarteko eremuaren ezkeraldea (Portuondo PAV 1/02-3); bertan, debekatuta dago kuskua biko moluskuak ateratzea.

Eremu itxiak: honako eremu hauetan ezin da moluskurik ekoitzi, eta halakoak ateratzea debekatuta dago:

- Itsasadarrean gora, Muruetako Ontziolatik Gernikara bitarteko eremua.
- Txatxarramendi uharterako zubipeko aldea.
- Mundakako portua.

Laugarrena.– Plentzia (Butroe ibaiaren estuarioa). Ikusi I. eta II. eranskinak:

Sailkapeneko C eremua: ibai-ahotik Arrainolara bitarteko eremua PAV 1/03, Plentziako portua albu; bertan, debekatuta dago kuskua biko moluskuak ateratzea.

Eremu itxiak: honako eremu hauetan ezin da moluskurik ekoitzi, eta halakoak ateratzea debekatuta dago:

- Plentziako portua.
- Estuarioaren barnealdea, hau da, Arrainolatik gorako urak.

Bosgarrena.– Agindu honetan ezarritako ekoizpen-eremuen sailkapena aintzat hartu behar da, honako espezie hauek atera nahi izanez gero:

- Ostra (*Ostrea edulis*, *Crassostrea angulata* eta *Crassostrea gigas*).
- Datila (*Pharus legumen*, *Solen marginatus*, *Ensis ensis* eta *Ensis siliqua*).
- Berberetxea (*Cerastoderma edule* edo *Cardium edulis*).
- Muxila (*Venerupis polastra*, *Ruditapes* edo *Tapes pullastra*, *Venerupis decussata*, *Ruditapes* edo *Tapes decussata*, *Venerupis semidecussata*, *Tapes semidecussata* edo *Ruditapes philippinarum*, *Venerupis aurea* eta *Venerupis rhomboides*).
- Txirla (*Venus striatula* eta *Chamelea gallina*).
- Muskuilua (*Mytilus edulis* eta *Mytilus galloprovincialis*).

Seigarrena.– Kirol-arrantzan aritzen direnei debekatu egiten zaie eremu itxietan eta C motako eremuetan, agindu honetako ebazpen-zatiko bosgarren paragrafoan zehaztutako espezieak ateratzea.

#### AZKEN XEDAPENETATIK LEHENENGOA

Ahalmena ematen zaio Arrantza eta Akuikulturako sailburuordeari, agindu honetan xedatutakoa gauzatzeko behar diren neurriak har ditzan.

#### AZKEN XEDAPENETATIK BIGARRENA

Agindu honek amaiera ematen dio administrazio-bideari, eta, beraren aurka, aukerako berraztertze-errekurtsoa aurkez dakioketza Ekonomiaren Garapen eta Lehiakortasuneko sailburuari, hilabeteko epean, agindua Euskal Herriko Agintaritzaren Aldizkarian argitaratu eta biharamunetik aurrera; bestela, administrazioarekiko auzi-errekurtsoa aurkez daiteke Euskal Autonomia Erkide-

2014ko irailaren 29a, astelehena


goko Auzitegi Nagusiaren Administrazioarekiko Auzietako Salan, bi hilabeteko epean, agindua EHAAan argitaratu eta biharamunetik aurrera.

#### AZKEN XEDAPENETATIK HIRUGARRENA

Agindu honek Euskal Herriko Agintaritzaren Aldizkarian argitaratu eta biharamunetik aurrera izango ditu ondorioak.

Vitoria-Gasteiz, 2014ko irailaren 15a.

Ekonomiaren Garapen eta Lehiakortasuneko sailburua,  
MARÍA ARANZAZU TAPIA OTAEGUI.



2014ko irailaren 29a, astelehena

## II. ERANSKINA

Gakoa	Kokalekua	Mugak ED-50 UTM-30	Koordenatuak ED-50 UTM-30	Koordenatuak ETRS-89 UTM-30	Eremu-sailkapena
PAV1/01	Hondarribia (Bidasoako Estuarioa)	Ibai-ahotik aireportuko muturrera bitarteko eremua, EAEn dagoena. Honako eremu itxi hauek salbu: - Aireportuaren muturretik barrualdera doan eremua. - Hondarribiko arrantza-portua. - Hondarribiko kirol-portua. - Beteranoen dartsena.	(598185, 4805398) (599107, 4805081) (598711, 4802014) (598920, 4801970)	(598078,90, 48053187,94) (599000,87, 4804870,95) (598604,85, 48001803,98) (598813,84, 4801759,98)	C (ateratzea debekatuta)
PAV1/02	Mundaka (Okako Estuarioa)	Itsasadarrean gora, Muruetako Ontziolatik Gernikara bitarteko eremua; Txatxarramendi uharteko zubipeko aldea eta Mundakako portua eremu itxia da.			Eremu itxia
PAV1/02-1 Arketas	Mundaka (Okako Estuarioa)	Ibai-ahotik Sandinderi uhartera bitarteko eremuaren eskuinaldea.	(524363, 4807179) (526110, 4806787) (525221, 4806164) (525787, 4804128)	(524257,57, 4806970,73) (526004,56, 4806578,73) (525115,56, 4805955,73) (525681,54, 4803919,73)	B
PAV1/02-2 Portuondo	Mundaka (Okako Estuarioa)	Ibai-ahotik Sandinderi uhartera bitarteko eremuaren ezkeraldea (Portuondo).	(524363, 4807179) (526110, 4806787) (525221, 4806164) (525787, 4804128)	(524257,57, 4806970,73) (526004,56, 4806578,73) (525115,56, 4805955,73) (525681,54, 4803919,73)	C
PAV1/02-3 Kanala	Mundaka (Okako Estuarioa)	Sandinderi uhartetik Muruetako Ontziolara bitarteko eremua.	(525221, 4806164) (525787, 4804128) (525623, 4801716) (526774, 4801831)	(525115,56, 4805955,73) (525681,54, 4803919,73) (525517,51, 4801507,77) (526668,51, 4801622,76)	B
PAV1/03	Plentzia (Butroeko Estuarioa)	Ibai-ahotik Arrainolara bitarteko eremua, Plentziako portua salbu. Honako eremu itxi hauek salbu: Plentziako portua eta Estuainoaren barnealdea, hau da, Arrainolatik gorako urak.	(503407, 4807144) (503910, 4807448) (504838, 4804676) (504946, 4804767)	(503301,60, 4806936,04) (503804,60, 4807240,03) (504732,57, 4804468,02) (504840,57, 4804559,02)	C